



Komunidade Eusebia Palomino-Dili

NOVENA IMAKULADA KONSEISAUN

2021

Ho Maria Imakulada, ita rona Na'i atu “halo buat hotu ne'ebé Nia dehan mai ita”.

29 Novembru

Ho Maria, transparénsia Maromak nian, testemuña esperansa nian.

- ✠ **Introdusaun:** Ita hahú novena ida-ne'e ho ema ki'ik sira nia esperansa ne'ebé deskobre iha sira fuan Maromak nia prezensa ne'ebé hola isin no habiit ita-nia “sim” nia sasin, hodi partilla tua foun.
- ✠ **Knananuk: Salve Regina**
- ✠ **Leitura: Jo 2,1:** “Iha festa ida iha Kaná Galileia nian”.
- ✠ **Reflesau:** Knanoik Kaná nian kruza ho esperiénsia vitál aliansa domin FMA nian ho Jezús, leno kultura nia kór sira, ema nia oin sira ne'ebé ita partilla karizma salezianu iha espiritualidade no iha misaun edukativa, ne'ebé halo ita hola-parte ba kontestu moris nian ne'ebé hamosu enkontru no ksolok.
- ✠ **Oferta domin nian:** Ho impulsu Da mihi animas coetera tolle Don Bosco no Madre Mazzarello nian, iha sentidu ekleziál kle'an no hola-larte nian ba família espirituál apostólika, nu'udar konvidada sira ba kazamentu Kaná nian, ita moris ksolok saran an nian ne'ebé halo esperansa moris hodi partilla ho sira tua di'ak moris loroloron nian.
- ✠ **Ita ofere se orasaun loron ne'e nian:** Ba membru ida-idak Família Salezianan nian ne'ebé sifre konsekuensi oioin pandemia nian, iha solidaun, iha sofriemntu no iha dezesperu.
- ✠ **Ita harohan hamutuk, ho Papa Francisco:**



Komunidade Eusebia Palomino-Dili

Maria Imakulada, feto raronak nian, halo ami-nia tilun sira nakloke; halo atu ami hatene rona ita Oan Jezús nia Liafuan iha liafuan rihun ba rihun mundu ne'e nian nia leet; halo atu ami hatene rona realidade iha-ne'ebé ami moris bá, ema ida-idak ne'ebé ami hasoru, liuliu sira ne'ebé kiak, presiza no iha difikuldade laran.

Maria Imakulada, feto desizaun nian, leno ami-nia neon no ami fuan, atu ami hatene obedese laho laran rua-rua ba ita Oan Jezús nia Liafuan; haraik mai ami aten-brani desizaun nian, atu ami la husik ema seluk mak gia ami-nia moris.

Maria imakulada, feto asaun nian, halo atu ami liman no ami ain sira book an "lalais" hodi bá hasoru ema seluk, atu lori ita Oan Jezús nia karidade no domin, atu lori, hanesan ó, roman Evanjellu nian ba mundu. Amen.

✝ **Knananuk: Vergine del silenzio.**

30 Novembru

Ho Maria, ita moris ksolok enkontru nian

✝ **Introdusaun:** Promove Maria nia esperiênsia, nafatin pronta ba enkontru, fó biban mai ita atu sai ohin loron portu akollimentu ba ita-nia Irmán no foin-sa'e sira nu'udar mahein sira ne'ebé matan-moris atu halo esperansa no ksolok buras, hodi hananu ho kbiit tomak Na'i nia mizerikórdia. Tua foun ne'ebé dudu ita atu experimenta milagre maternidade Kreda nian ne'ebé buka, defende no halibur nia oan sira, povu ne'ebé hamutuk hatene hahí Maromak.

✝ **Hotu-hotu:** Halo nune'e, buat kmanek sei mosu.

✝ **Knananuk: Salve Regina.**

✝ **Leitura: Jo 2,2:** Jezús no ninia eskolante sira mós hetan konvite ba festa kazamentu.

✝ **Reflesaun:** Atmosfera ksolok festa kazamentu nian, simboliza ho tua ne'ebé atu hotu, provoca prejuizu. Tua mak elementu sentrál iha kultura ebreu sira-nian iha tempu ne'ebá. Se la iha tua, la iha ksolok. Maibé, iha-ne'ebá, iha bainaka sira leet iha Inan ne'ebé nota diretamente tua ne'ebé la iha ona, prezensa ne'ebé antisipa Jezús



Komunidade Eusebia Palomino-Dili

no dixípulu sira ne'ebé simu konvite ba festa kazamentu. Nia iha ne'ebá, liuliu tanba nia mak Siaun nia oan-feto, figura Israel nian ne'ebé hein Mesias nia “oras”.

- † **Oferta domin nian:** hanesan iha Kaná, ita simu bolun enkontru nian ne'ebé la husik leet importánsia prezensa nian, ne'ebé eduka, komunika, evangeliza, iha comunidade entre foin-sa'e sira, família sira, edukadór/a sira, leigu'a gira.
- † **Ita oferese orasaun loron ne'e nian:** ba labarik no foin-sa'e sira ita-nia comunidade edukativa sira-nian, ne'ebé moris iha silénsiu terus lakon eh lutu nian, triste no lakon esperansa.
- † **Ita harohan hamutuk, ho Papa Francisco....**

1 Dezembru

Ho Maria simu bolun atu sai profeta komuñau nian

- † **Introdusaun:** Papa Francisco fó hanoin mai ita katak "Maria mak feto ne'ebé hatene rai, katak proteje, kuidadu, iha nia fuan Maromak nia pasajen iha nia povu nia moris. Husi nia knotak nia aprende rona nia Oan nia fuan nia palpitasau no ida-ne'e hanorin nian , durante nia moris tomak, atu deskobre Maromak nia palpitasau iha istória..." proximidade ne'ebé buka mantein ksolok festa nian, esperansa ne'ebé envolve.
- † **Knananuk: Salve Regina**
- † **Leitura: Jo 2,3:** “Tanba tua la iha ona, Jezúa nia inan dehan ba Nia: “Sira nia tua hotu ona”.
- † **Reflesaun:** Maria konvida ita atu sai testemuña liuhusi modu oinseluk atua no moris nian; atu iha vizaun eskatológjika, atu tuir Na'i ho modu profétiku nune'e hafanun mundu, atu leno futuru no sai fermentu nune'e sai profesia ne'ebé haklaken espíritu Evanjellu nian.
- † **Oferta domin nian:** Hanesan iha Kaná, ita simu bolun atu sai ho Maria profeta komuñau nian, moris buat ne'ebé haklaken, matan-



Komunidade Eusebia Palomino-Dili

moris atu harii hamutuk ho maun no biin-alin sira sinodalidade ne'ebé tau matan ba malun ho pureza intensaun nain.

✠ **Ita oferese orasaun loron ne'e nian:** ba labarik no foin-sa'e sira ita-nia komunidade nian, ne'ebé iha momentu ne'e atu simu sakramentu sira, bele hafoun ksolok sai testemuñu no prosimidade nian.

✠ **Ita harohan hamutuk, ho Papa Francisco...**

✠ **Knananuk: Ave Maria, donna dell'attesa.**

2 Dezembru

Ho Maria ita buras iha atensaun no iha prezensa matan-moris nian.

✠ **Introdusaun:** Maria iha Kaná rona, deside, atua. Ho modu konkretu Maria matan-moris ba akontesimentu sira, ba problema sira; nia haree no komprende kaben-na'in foin-sa'e na'in rua nia susar ne'ebé kuran tua iha festa, refleto no hatene katak Jezús bele halo buat ruma, no deside atu dirije ba Oan, konfia iha nia, nia mak Jezús nian tomak, nia hatene iha laran-metin ba nia Oan.

✠ **Knananuk: Salve Regina**

✠ **Leitura: Jo 2,4-5:** “Jezús simu dehan: “Feto, ita atu halo sá loos? Ha'u nia loron ladauk to'o”. Maibé nia inan dehan ba sira ne'ebé hein meza: “Imi halo tuir buat ne'ebé Nia haruka”.

✠ **Reflesaun:** Maria nia prezensa interpela ita-nia umanidade tomak no ne'e mak apelu ida ba profundidade ita-nia sentidu sira-nian. Maibé prezisa horik iha realidade, tau matan ba ema nia kreximentu ho aprosimasaun nakloke no dinámiku. Maria la'ós bainaka indiferente ida; nia nota katak la iha tua no haree dook kona-ba impaktu ba festa. Tanba nia prezente ho modu ativa, nia hasa'e ninia pedidu/hahusuk ba nia Oan.

✠ **Oferta domin nian:** Hanesan Maria iha Kaná, ita simu konvite atu moris iha atitude prezensa matan-moris nian no empña an iha servisu ne'ebé halo esperansa moris iha ema sira ne'ebé lakon esperansa,



Komunidade Eusebia Palomino-Dili

hateken ida, liafuan ida, asaun ida ne'ebé ema la hein maibé konfiansa nian, ne'ebé bele transforma moris.

- † **Ita oferese orasaun ba loron ne'e:** Ba manorin salezianu sira, ne'ebé ho Maria nia liman ne'ebé gia sira, sira sai prezensa matan-moris nian... tuir Maromak nia fuan.
- † **Ita harohan hamutuk, ho Papa Francisco...**
- † **Knananuk: Hagan todo lo que Él les diga!**

3 Dezembru

Ho Maria: prezensa ne'ebé rona no komprende

- † **Introdusaun:** Maria rona Maromak, reflète no buka komprende realidade no deside atu abandona an tomak ba Aman, deside atu saran an ba Oan ho insisténsia atu salva ksolok kazamentu nian no partilla serteza ne'e ho atan sira iha festa, fô espasu atu rona.
- † **Leitura: Jo 2,6-8:** “Kusi neen iha ne'ebá, atu Judeu sira fase ain no liman; kusi ida-idak bele lori litru ualunulu ka atus-ida-ruanulu. Jezús lia tun ba sira: “Imi tau bee ba kusi sira ne'e to'o nakonu.” Sira tau bee nakonu didi'ak to'o ibun. Hafoin Jezús dehan ba sira: “Imi bele hasai ona, lori ba uma na'in tenda”. Sira lori duni”.
- † **Knananuk: Do Whatever He tells you (Nick Cardilino)**
- † **Reflesaun:** Maria nia prezensa propoin raronak responsavel, profundu no intensionál. Nia hakarak kria ambiente relasionál ida atu la disturba ksolok no bele partilla ho hotu.
- † **Oferta domin nian:** Ita simu bolun atu hafanun fekundidade vokasionál nia freskura, nu'udar rekursu jenerativa no transformadora ne'ebé permite atu ita “sai prezensa” iha tempu ohin ho Jezús nia Inan nia hateken, intuisaun preventiva, fuan, liman sira. Ohin ita halo ho hakmatek prátika”prezensa nian” hodi oferese ba Maria.



Komunidade Eusebia Palomino-Dili

- † **Ita oferese orasaun loron ne'e nian:** Ba ema sira ne'ebé halo serbisu umilde maibé esensiál ba sosiedade nia moris, sira ne'ebé ema la rekoñese, hatún sira, dikrimina, ema haluha.
- † **Ita harohan ho Papa Francisco....**
- † **Knananuk: Salve Mãe Imaculada**

4 Dezembru

Ho Maria ita partilla “tua di’ak” asertividade nian ne’ebé harii fraternidade.

- † **Introdusaun:** Fahe tua di’ak mak rekomendasaun simples maibé esensiál husi Jezús nia Inan no ida-ne’e mak sarani ida nia programa moris nian. Mai ita ida-idak, hodi atinje husi kusi sira tanesan ho laran-metin ba Maromak nia Liafuan atu experimenta ninia efikásia iha moris.
- † **Knananuk: Salve Regina**
- † **Leitura: Jo 2,9:** “Uma na’in tenda koko tiha be nakfila ba tua tan nia la hatene tua ne’e mai husi ne’ebé, maibé ema sira ne’ebé hein meza no kuru bee hatene”.
- † **Reflesaun:** Maria, feto no inan, iha hateken kle’an ne’ebé ema sira seluk iha festa la hatudu. Nia la haksumik an. Nia la izola an. La liu hodi la observa. Ninia prezensa subliña ninia envolvimentu no ninia hola-parte ba grupu bainaka sira-nian. Ninia prezensa mak prezensa ne’ebé envolve iha dalan, sai estratéjia ida atu aseguara sinodalidade.
- † **Oferta domin nian:** Iha loron ne’e ita simu konvite atu partilla “tua di’ak” prezensa ne’ebé rona no rekoñese buat di’ak iha esperiénsia ida-idak, hodi hatudu hateken pozitivu, iha comunidade no iha misaun.
- † **Ita oferese orasaun loron ne’e nian:** Ba foin-sa’e sira ne’ebé rona Maromak nia bolun ba vida religioza no iha momentu dixernimentu nian.
- † **Ita harohan hamutuk, ho Papa Francisco...**
- † **Knananuk: Do whatever He tells you.**



Komunidade Eusebia Palomino-Dili

5 Dezembru

Ho Maria, kriativa no korajoza iha misaun.

- † **Introdusaun:** Servi Na'i signifika rona no tau iha prátika ninia Liafuan. Ne'e mós mak ita sarani nia programa moris nian. Mai ita ida-idak, hodi atinje husi kusi sira tanesan ho laran-metin ba Maromak nia Liafuan atu esperimenta ninia efikásia iha moris.
- † **Leitura: Jo 2,11:** “Nia bolu noivu hodi dehan: “Ema hotu fô uluk tua di'ak; konvidadu sira hemu didi'ak ona, hafoin mak fô tua ladún di'ak. Ó fali rai ba ikus di'ak”.
- † **Reflesaun:** Maria nia prezensa, fó sasin kona-ba raronak kle'an ne'ebé fô biban atu hetan ema seluk iha an rasik. Nia propoin profesia prezensa kriativa no korajoza, ne'ebé hatene tau an iha dalan atu muda situasaun sira no nia fleksivel atu hamtuk hanoin hikasfali comunidade nia futuro, iha fidelidade ba karizma.
- † **Oferta domin nian:** Ohin ita pratika rona ho atensaun ba Na'i ne'ebé liu, foin-sa'e ida-idak, Irmán, leiga no leigu sira ne'ebé ita hasoru.
- † **Ita oferese orasaun loron ne'e nian:** ba família sira ne'ebé lakon esperansa, ba ema sira ne'ebé moris iha krize oioin nia laran.
- † **Ita harohan hamutuk, ho Papa Francisco....**
- † **Knananuk: Hagan todo lo que Él les diga!**

6 Dezembru

Ho Maria ita partilla “tua di'ak” hodi avalia ita-nia moris saleziana.

- † **Introdusaun:** Papa Francisco enkoraja ita atu refilete kona-ba oinsá “Na'i kontinua rezerva tua di'ak ba ita-nia salvasaun, basá nia kontinua suli husi Kristu nia fuan ne'ebé sona-borus”, fuan ne'ebé kontinua hadomi, kontinua terus, kontinua saran an iha frajilidade laran...



Komunidade Eusebia Palomino-Dili

† **Knananuk: Salve Regina.**

† **Leitura: Jo 2, 11:** "Ne'e mak sinál dahuluk ne'ebé Jezús halo iha Kaná Galileia. Nia hatudu nia glória no ninia eskolante sira fiar Nia".

† **Reflesaun:** Maria brani no ninia prezensa sai Liafuan nia lian. Ninia obra sai anúnsiu no pro-vokasaun. Ne' mak kestaun ida identidade nian. Edukadora moris no esperansa nian, nia konvida ema hotu atu fó buat di'ak liu husi nia an rasik ba di'ak komún. Nu'udar feto konsagrada, ho karizma espesífiku iha Kreda, ita simu bolun nu'udar comunidade atu rekupera ho responsabilidade no maravilla atitude hakfodak nian ba vokasaun saleziana.

† **Oferta domin nian:** Ohin ita simu konvite atu fó sasin kona-na ita-nia ksolok vokasaun nian ba ema sira ne'ebé ita hasoru.

† **Ita oferese orasaun loron ne'e nian:** Ba FMA misionária 'ad gentes' sira, ne'ebé sai lalenok kona-ba Maromak nia oin inan nian iha moris loroloron, nu'udar edukadora moris no esperansa nian.

† **Ita harohan hamutuk, ho Papa Francisco....**

† **Knananuk: Madre fiducia nostra**

7 Dezembru

Ho Maria: sai prezensa ne'ebé fó moris

† **Introdusaun:** "Hanesan iha kofre ida, Na'i Jezús rai didi'ak segredu nia an rasik nian no ninia vinda/mamaik nia finalidade: Espozu ne'ebé ema hein hahú festa kazamentu ne'ebé realiza iha Mistériu Paskál. Iha kazamentu ne'e, Jezús kesi ninia dixípulu sira ba Nia iha aliansa foun no definitiva. Iha Kaná, Jezús nia dixípulu sira sai ninia família no iha Kaná, iha fiar, Kreda moris.

† **Hotu:** Ba festa kazamentu ne'e, ami hotu simu konvite, tan tua foun la kuran tan ona!

† **Knananuk: Salve Regina.**

† **Leitura: Jo 2,12:** "Liutiha ne'e, Jezús ho nia inan, nia maun-alin no eskolante sira tun ba Kafarnaum. Sira hela loron ruma iha ne'ebá".



Komunidade Eusebia Palomino-Dili

- † **Reflesaun:** Ho Maria ne'ebé akompaña, nu'udar Família Saleziana, ita hetan interpelasaun atu moris forsa jenerativa karizma nian iha oras istória foun ida-ne'e, hanesan iha Valdocco no iha Mornese. Serteza metin ne'ebé tahan ita mak fiar katak Espíritu Santu hasuli moris no kriadividade foun iha kontemporaneidade, nakonu ho esperansa tua foun nian ne'ebé suli husi fiar.
- † **Oferta domin nian:** Iha loron ne'e ita fó esperansa ba ema sira ne'ebé triste, mesak ka iha nesesidade. Hilin dahuluk mak formasaun séria ba leiga/u sira, hodi investe rekursu no kompeténsia sira iha formasaun ne'e.
- † **Ita oferese orasaun loron ne'e nian:** Ba misaun ne'ebé ita tenke anima atu konserva tua di'ak, ne'ebé hodi hetan kbiit husi Jezús, Paun no Liafuan, ita bele sai comunidade vokasionál ne'ebé fó entuziazmu no enkoraja resposta vokasaun foun sira-nian ba ita-nia Institutu.
- † **Ita harohan hamutuk, ho Papa Francisco....**
- † **Knananuk: Salve Mãe Imaculada**